

մէջ հայի եւ Հայաստանի յիշատակութիւնն իսկ չկայ :

Լօղանի դաշնագրի մասին շատ է գրուած . բայց նրան հետեւող մի փաստ կայ , որ արժանի է մասնաւոր յիշատակութեան մեր օրերի քաղաքական բարքերի դնահատումի տեսակէտից :

Ազգերի Ընկերակցութեան մէջ ծրագիր էր մշակուում 1924 թուին 50 հազար հայ փախստական տեղաւորել կովկասեան Հայաստանում : Այս ձեռնարկի համար մէկ միլիոն Փունդ ըստէրլինդի նախահաշիւ էր կադմուած : Ազգերի Ընկերակցութեան Խորհուրդը դիմում է անդամ պետութիւններին հայթայթելու յիշեալ դումարը : Եւ ահա Բոլղոլին ու Ասքուիթ երկուսն էլ Անգլիայի վարչապետ , մի ընդարձակ նամակով դիմում են օրուան վարչապետ Մակդոնալդին եւ վերյուշելով այն յանձնառութիւնները , որ Դաշնակից պետութիւնները ունեն հանդէպ Հայաստանի , թուելով այն բոլոր դոհարերութիւնները , որ հայ ազգը ընդունեց ի նպատ Դաշնակիցների , աւելացնելով նաեւ , որ այս պատճառով «հայ ժողովրդի երկու երրորդը — տղամարդ , կին , երեխայ—ջնջուեցին ամենաբարբարոս եղանակներով» . միաժամանակ ընդունելով , որ «Մեծն Բրիտանիան իր պատասխանատուութեան բաժինն ունի թիւրքահայութեան իսպառ ցաք ու ցրիւ լինելու մէջ» , երկու պատուարժան վարչապետները՝ Բոլղոլին եւ Ասքուիթ՝ առաջարկում են , որ «կառավարութիւնը անմիջապէս մի կարեւոր նուէր անի» հայ փախստականների տեղաւորման համար : Այս բոլորը լաւ . սակայն նրանք աւելացնում են հետեւեալ յաւիտենական խօսքերը , թէ այդ հաւաքուելիք դումարը «պէտք է նկատուի որպէս վերջնական հաշուեյարդար Դաշնակիցների պատասխանատուութեան հայերի հանդէպ» :

Եթէ այս բոլորը վերածենք պարզ մարդկային լեզուի , առաջարկուում էր մէկ միլիոն մեր նահատակների արեան իր փոխարժէք մէկ միլիոն Փունդ ստերլինդ — ուրիշ խօսքով՝ մէկ հայր Դաշնակիցների աչքում արժէր մէկ ոսկի , այսինքն՝ 125 Փր . . .

Աւելացնենք , որ այդ էլ երեւի չափազանց թուաց , չի հաւաքուեց եւ դժբախտ ու միամիտ

Նանսէն դեռ բազարը շարունակում է , այս տարի արդէն մօտեցել էր կարծեմ 30-40 Փրբանքի . . . մօտաւորապէս այդ դնով Ստամբուլի հրապարակներում պատերազմի ժամանակ հայ աղջիկներ ու որբեր էին վաճառում . . . Կանդ առնենք այստեղ :

Անհնարին է շարունակել :

Մարդ շնչարգելում է . օդը պակասում է ոչ միայն փակ սենեակների մէջ , այլ դուրսը՝ բաց երկնքի տակ :

Երբ մարդկային կեանքը , մարդ արարածը , որ միակ նպատակն է քաղաքակրթութեան , դառնում է հնչուն ոսկի — դարհուրում ես ոչ մարդի համար , այլ քաղաքակրթութեան :

Հայաստանն ի՞նչ է որ — մի խղճուկ , աւեր երկիր . բայց խղճմատանքը տիեզերական . այս ի՞նչ ահաւոր վէրք է մարդկութեան սըրտին :

Անշուշտ աշխարհի քաղաքական պատմութիւնը միշտ հարուստ է եղած վրդովեցուցիչ դայթակղութիւններով :

Բայց այս ծաւալը , այս խորութիւնը եւ այս վրան բաց արհամարհանքը դէպի հասարակական դգացմունքի պարկեշտութիւնը :

Այնպէս կ'ուզէի , որ անգլիական այս երկու խոշոր պետական անձնաւորութիւնները գրած չլինէին այս սպանիչ նամակը եւ այդ ոչ թէ Հայաստանի համար , այլ աշխարհի ու քաղաքակրթութեան համար . այնպէս կ'ուզէի , որ բարբաոս Արեւելքը երբեք չիմանար այդ փաստաթղթի դոյութիւնը , որպէսզի հաւատի վերջին նշոյլը չի մեռնէր դէպի քաղաքակրթութիւնը . տարբախտարար մեծ ազգերն այսօր նման են այն խելակորոյս ամուսիններին , որոնք իրենց ննջասենեակի դաղտնիքը փոռում են փողոցներում ստահակ պատանիներին ի տես :

Մեր օրերի յատկանիշն է , որ գաղտնի դիւանագիտութիւնը հրապարակ իջնի սերունդներին անառակացնելու համար :

Եւ այդ ախտաւոր դասը ամենից շատ եւ ամենից լաւ իւրացրեց թիւրքը :

* * *

Պատերազմի ընթացքին Դաշնակիցները յաճախ մեղադրեցին Գերմանիային , թէ նա իր դործելակերպով արհամարհում ու նախատում է մարդկային խղճմատանքը :